

Umumta'lim maktabida muloqot

Toshkent irrigatsiya va qishloq xo'jaligini mexanizatsiyalash muhandislarin instituti va Toshkent viloyati O'rta Chirchiq tumani xalq ta'limi bo'limi tasarrufidagi 56-sonli umumta'lim maktabida ta'lim sifati va o'qituvchilarning kasbiy mahoratini oshirish va metodik qo'llab - quvatlash uchun hamkorlikni tashkil etish bo'yicha yo'l xaritasiga asosan "Gidromelioratsiya" fakulteti "Irrigatsiya va melioratsiya" kafedrasida professor-o'qituvchilari dos. S.Kasembetova, ass. G.Axmedjanova va ass. E.Malikov 56-sonli umumta'lim maktabiga tashrif buyurdilar. Dastavval, maktab direktori N.Mutalova o'quvchilarga yaratilgan shart - sharoitlar bilan tanishtirdi. "Irrigatsiya va melioratsiya" kafedrasida professor-o'qituvchilari bu yil oliygohga topshirishga niyat qilgan 11-sinf o'quvchilari bilan muloqot va ochiq dars tashkil etdilar.



Ma'ruzada muhtaram Prezidentimiz Shavkat Mirziyoyevning «Biz o'z oldimizga mamlakatimizda Uchinchi Renessans poydevorini barpo etishdek ulug' maqsadni qo'ygan ekanmiz, buning uchun yangi Xorazmiylar, Beruniylar, Ibn Sinolar, Ulug'beklar, Navoiy va Boburlarni tarbiyalab beradigan muhit va sharoitlarni yaratishimiz kerak. Bunda, avvalo, ta'lim va tarbiyani rivojlantirish, sog'lom turmush tarzini qaror toptirish, ilm-fan va innovatsiyalarni taraqqiy ettirish milliy g'oyamizning asosiy ustunlari bo'lib xizmat qilishi lozim» fikrlarini yana bir bor keltirib o'tdilar. Kafedra dotsenti S.Kasembetova "Irrigatsiya va melioratsiya" kafedrasida qoshida tashkil etilgan "Meliorator" iqtidorli talabalar to'garaklari faoliyati, suv xo'jaligini raqamlashtirish va amaliy texnologiyalar borasida taqdimot qildi.



Shundan so'ng o'quvchilar o'rtasida qiziqarli tanlov tashkil etildi. Tanlov g'oliblariga kafedraning esdalik sovg'alaridan badiiy adabiyotlar bilan taqdirlandilar. Muloqot va ochiq darslarda 56-maktab o'qituvchilari ham faol ishtirok etib, tanlov g'oliblarini baholashda yaqindan ko'mak berdilar. Yuqori saviyada tashkil etilgan muloqot va ochiq darslar so'ngida barcha o'quvchilarni Toshkent irrigatsiya va qishloq xo'jaligini mexanizatsiyalash muhandislarin institutiga ekskursiyaga taklif qilindi.

"Irrigatsiya va melioratsiya" kafedrasida mudiri, t.f.n., professor I.Begmatov axboroti

TIQXMMI matbuot xizmati